

書名 西湖遊覽志二十四卷 嘉靖二十六年序刊萬曆十二年序江陰范鳴謙修本  
 撰者 明 田汝成 撰  
 卷 卷十九  
 內容分類 史·地理·名勝·浙江  
 索書號 倉石20405  
 編號 2037500

# 卷十九

彩色首頁1

[東洋文化研究所漢籍目錄 編號: 2037500](#)

[東洋文化研究所漢籍目錄所藏漢籍善本文影像資料庫 索書號: 倉石20405](#)

[漢籍善本文影像資料庫文本 西湖遊覽志二十四卷 嘉靖二十六年序刊萬曆十二年序江](#)

[陰范鳴謙修本](#)

[版權所有: 東京大學 東洋文化研究所](#)

[使用上的注意事項](#)

## 西湖遊覽志第一卷

### 西湖總叙

錢唐田 汝成 輯撰

西湖故明聖湖也周繞三十里三面環山谿谷縷注  
 下生淵泉百道瀦而為湖漢時金牛見湖中人言明  
 聖遂稱明聖湖以其介于錢唐也又稱錢唐湖  
 以輪委于下湖也又稱上湖以其負郭而西也故  
 稱云西湖諸山之脉皆宗天目天目西去府治  
 十里高三千九百丈周廣五百五十里蜿蜒  
 深拔峭舒岡布麓若翔若舞萃于錢唐而嶺

西湖遊覽志第十九卷  
真武寺  
豐樂齋  
東籍具三  
與

西湖遊覽志第十九卷

錢唐田 汝成 輯撰

南山分脉城外勝蹟

衢巷河橋

出正陽門為慶豐橋柳翠巷海鮮巷南新橋尊勝巷  
梁家橋顏樓巷諸橋馬倉巷槐花巷美政橋泮泮橋  
海月橋化僊橋進龍橋

慶豐橋之水入城為六部橋其上流為岸橋南新  
橋沿城而西為萬松嶺下嶺為松林街其東為  
車子巷

柳翠巷內有柳翠橋相傳宋時妓女柳翠所建  
海鮮巷內有海鮮橋石長丈餘其文如魚龍蘊藻  
之狀巧如繪畫蓋宋時故內物也

尊勝巷內有尊勝寺

梁家橋進九曲巷出青果園

諸橋街通上觀路

馬倉巷之北宋有嘉會門

槐花巷之東為白壁營

美政橋宋有王津園

洋洋橋有龍王廟萬曆中建海月橋于橋南

進龍橋近進龍浦


出候潮門為嘉會橋濟川橋上觀路期清巷蕭公橋  
太平坊信義坊利津橋牛皮街跨浦橋渾水閘養團  
巷鐵箭巷鐵幢浦

嘉會橋通貼沙河之水入城貼沙河一名裏沙河

舟筏所經北抵艮山門者

濟川橋在抽分廠前初名擺木橋相傳錢氏偏據  
時旁堆擺木俗因呼之又謂普濟橋或曰因舊  
有普濟寺得名正德六年主事王光佐重建改

今名



上輓路宋時園丘大路御輦所由也

期清巷有馮公廟

太平坊宋有便門

信義坊俗名筍團巷其傍有連公池

利津橋比為鐵幢

牛皮街上有龍舌嘴

跨浦橋街一名眾義巷

渾水閘下有善利院夫差廟

鐵箭巷相傳為錢王射潮之所劉伯溫錢王箭頭

歌鷓夷遺魄拘餘怒欲取吳山入江去雷霆



地水羣飛海門扶胥沒氛霧英雄一怒天可回

肯使赤子隨鮫鮓指揮五丁發神弩鬼物辟易

腥風開三百年來人事改濤落沙平箭空在石

梁飲羽未足誇蜀國三犀謾欺給近聞黃河水

亂流青徐一半悲魚頭安得壯士斡地軸為拯

斯民塗炭憂

鐵幢浦相傳吳越王鏐築塘以捍江水置鐵幢三

以為水則幢製如杵徑七八寸出土可三尺餘

其趾入土不知若干初置幢時塘猶未成慮潮

蕩幢用鐵輪護其趾而以鐵纜貫幢榦且引纜

維于上下之捷然後實土築塘故幢首出土耳  
宋淳祐間安撫趙與憲作亭覆幢今亭夷爲民  
居獨存窪池而鐵幢之首齧出可驗一在舊便  
門東南小巷一在舊薦橋門外皆湮塞無考獨  
在利津橋者僅存而文爲民居所占若不表識  
久亦湮矣

出永昌門爲保安巷新安巷真如巷大通橋映江樓  
保安巷通永昌壩

真如巷內有真如寺

大通橋傍有銀杏樹爲儀舟渡江之所今沙漲土

斫者二十里矣

映江樓宋時有亭扁曰煙雲魚鳥元重元丁丑燬  
至正庚寅重建扁曰瞰江正德元年太監麥秀  
御史車梁布政使林符等改建層樓扁曰映江  
吏部尚書屠瀟爲記樓側爲宋臨安府城南廂  
廳有左右軍巡使判官掌風火盜賊推鞠及檢  
覆抄劄打量定驗之事凡事之小者皆得專決  
焉蓋古督郵司隸之職也故俗稱兵馬司

官署

工部分司浙江驛浙江亭城南稅課司

工部分司在候潮門外先是漕船木料及京師壇  
殿倉庫器皿等每歲坐派軍民出辦成化七年  
千戶汪禮奏乞于杭州荊州太平等府設關抽  
分商木應用以免軍民之擾朝議從之始有抽  
分之令歲差工部主事主之二十二年差御史  
弘治五年差太監相兼取辦正德十六年專委  
工部至今仍之凡商販竹木十取其一初時解  
銀四千兩遞歲增之乃至一萬四千餘兩

浙江驛在龍山開洪武三年建

浙江亭古之樟亭也白樂天樟亭驛見楊舊詩往



恨今愁應不殊題詩梁下又踟蹰  
羨君獨夢見兄弟我到天明睡亦無  
又宿樟亭驛詩半夜樟亭驛  
愁人起望鄉月明何處見潮水  
白茫茫鄒谷題樟亭驛樓詩故國江山外  
登臨返照間潮來無別浦木落見他山  
沙鳥晴飛遠漁人夜唱閒歲窮歸未  
得心逐片帆還孟浩然與錢唐令登樟  
亭驛詩百里鳴雷震聞絃暫輟彈府中  
聯騎出江上待潮觀照日秋空迥浮天  
渤澥寬驚濤來似雪一座凜生寒

城南稅課司在浙江亭邊吳元年設于顏樓洪武

五年改建于此

祠廟

昭貺廟順濟廟順濟聖妃廟協順廟

昭貺廟在渾水閘其神張夏字伯起宋景佑間以  
司封郎中為兩浙漕使江潮為患故隄率用薪  
土常被衝擊每繕修不三歲輒壞重困民力神  
始作石隄上自六和塔下自東青門延袤十二  
里人感其功為立祠隄上賜額昭貺土人稱張  
司封廟慶曆二年贈大常少卿大觀二年八月  
封寧江侯改封安濟公紹興四年增靈感字




三十年增順濟字每潮水嚙岍禱之輒應成化  
間江湖泛溢命工部侍郎李顥督治禱神患息  
遂即舊址重建

順濟廟在清水閘其神馮俊字德明錢唐人天資  
剛直幼孤孝母年十八夢上帝遣神易其肺腑  
云將有徽命既寤豁然開明初不習文藝至是  
書傳大義驟皆通曉叩以禍福莫不前知足未  
嘗履闕而人或見之江海上元祐中有舟渡江  
值大風分必死神即現形雲間自言名氏叱咤  
之頃顛濤帖息又嘗就寢晝日乃醒家人視其

嘔吐皆海錯異物怪雨聞之則云適宴于龍宮  
大觀三年十一月忽語人云上帝命司江濤事  
不得辭越三日不疾而終年三十有六先期旬  
日于清水開所居西偏自營兆域既沒靈異尤  
夥人卽所居祠之紹興三十年賜順濟廟額慶  
元庚申封靈佑公紹定間封英烈王

順濟聖妃廟在艮山門外其神林氏莆田人生而  
靈淑歿遂爲神土人祀之白湖宋宣和五年賜  
廟額曰順濟紹興間建廟于此封靈惠夫人紹  
興三年改封靈惠妃慶元四年加助順勅曰古



以女神列祀典者若湘水之二妃北阪之  
西宮之女南少嶽之夫人以至丁婦勝姑莫不  
廟食夫生不出閨門而死乃祀食百世此其義  
烈有過人者矣朕惟望舒耀魄其名月妃川祗  
靜波其名江妃爾之封爵旣曰妃矣增錫美號  
被之輪奐崇大褒顯以求厥祀

協順廟在石塚其神陸圭昭慶軍人宋熙寧間以  
祖澤補右爵調真州兵馬都監宣和中引兵進  
攻方臘敗之死而爲神紹興間海濤衝激江岬  
神檄陰兵却潮潮勢遂平淳祐間江潮衝激尤



其隨築隨圮神與三女揚旗空中浮石江面以顯其靈岍賴以成浙西帥臣徐栗以其事聞于朝賜廟額曰協順封神爲廣陵侯三女爲顯濟通濟永濟夫人一主護岍一主起水一主交澤傍有小廟祀十二潮神各主一時

道院

廣靈廟水府淨鑑院順濟宮

廣靈廟在石塘壩宋景定三年九月潮壞江塘里中耆老因立東嶽滙太尉廟請于朝賜廣靈爲額咸淳五年封正祐侯餘自李將軍以下九神

皆錫侯爵李亨佑錢靈佑劉顯佑楊順佑康安佑張廣佑岳協佑孟昭佑韋昭佑

水府淨鑑院在嘉會門外桐木園乃馬自然脩真之所龍德三年錢氏號水府院天聖四年改水府淨鑑院乾道四年安撫周淙建扶桑大帝殿順濟宮在清泰門外東里隅舊在湯鎮赭山之間曰三龍王廟宋紹熙元年賜雲濤觀額四年旱禱而雨改賜今額嘉泰二年九月錫三神侯爵曰廣澤順澤敷澤嘉定九年增封曰廣澤靈應順澤昭應敷澤嘉應未樂間江潮擊之徙建今

所天順七年拓地重葺成化七年江湧塘崩守  
臣禱神而濤殺再飾廟貌

佛刹

尊勝寺善應總持菴淨因寺浴池菴海鮮寺福田慶  
壽寺延聖寺普濟寺資教菴潮音菴圓通菴吉祥寺  
真如寺正定菴普陀菴永慶寺延壽白石寺崇福寺  
因果寺寶界寺定香寺月塘寺

尊勝寺在正陽門外尊勝巷故宋福寧殿也元僧  
楊璉真伽改殿為寺有尊勝塔俗稱白塔西有  
望江亭內有葫蘆井僧止菴過故宋官井詩云

上有千尺桐下有千尺井風吹井上桐零落井

中影

善應總持菴在尊勝巷宋開寶六年錢王建于西  
湖南山曰總持治平二年改寶林院有可賦軒  
景定間遷建于便門鍊箭巷改善應總持院元  
至元三十一年復遷建今所張孝祿可賦軒詩  
光明獵獵上烏巾不那西湖爛熳春借我繩牀  
對修竹為君一洗軟紅塵

淨因寺在正陽門外和肅坊元延祐己未僧斯受  
等建有銅佛三像銅塔一座元末燬洪武庚午

僧法潤等重建弘治壬子僧宗謚等嘉靖癸卯  
僧鳴奉明濟等相繼重修

浴池菴在甘泉巷元延祐間里人施仲禮捨地僧  
斯受建鑿石爲池構室臨之名曰觀堂嘉靖二  
十六年重修

海鮮寺在海鮮巷元至正元年建洪武三十三年  
重修

福田慶壽寺在候潮門外普濟橋宋寶祐二年徐  
路鈐捨宅建請額曰福田以居白石皓禪師元  
至治間燬泰定間重修復請額加慶壽二字洪

武二十四年立爲叢林

延聖寺在候潮門外宋乾德間吳越王建于清波  
門外名土宿院天聖二年超法師沿江施食以  
濟修堤之士詔移院于今所賜額延聖嘉定年  
間御帶陳王節於寺側建天妃殿崇奉海神元  
元統乙亥重建洪武二十四年立爲叢林

普濟寺在候潮門外會濟橋宋太平興國元年建  
有理宗元命殿御書曰所未度宗元命殿御書  
曰申祐皇太后元命殿御書曰順福有閣以奉  
觀音大士御書曰圓通寶閣石碑具存元初以

祈未殿奉五顯之神元末燬國初重建

萬壽寺在江口門有江陽第一山扁

資教菴在候潮門外宋大中祥符元年僧堯道夫  
啓初庭建名火星菴宋末燬元大德間僧生禪  
師重建請額曰火星資教院洪武二十四年歸  
併延聖寺

潮音菴在候潮門外元延佑間僧未暹建

圓通菴在候潮門外宋紹興間僧德厚建

吉祥寺在永昌門外宋紹興間建于臯亭山咸淳  
九年移建今所洪武二十四年歸併福田寺

真如寺在永昌門外真如巷宋建炎三年僧普惠

建洪武十三年僧俊堂重修

正定菴在永昌門外陳鐵巷元至正間建

普陀菴在永昌門外浙江塘元至正間僧三宗建  
永慶寺在清泰門外宋時楊節使香火寶慶二年  
建紹定二年燬景定四年重建元大德至正間  
曉大師重建

延壽白石寺在慶春門外宋建隆二年建于艮山

白石村元至正間燬洪武三年重建二十四年  
立爲叢林永樂七年移建今所

崇福寺在艮山門外宋雍熙間建大中祥符元年  
改今額大觀間燬紹興間重建元末燬洪武十  
六年重建

因果寺在艮山門外晉開運二年錢忠懿王建名  
崇壽宋大中祥符元年改今額元末燬洪武二  
年重建

寶界寺在艮山門外梁貞明間建于城中名翠峰  
宋治平間改今額移建今所

定香寺在艮山門外宋乾德四年建于西湖上今  
定香橋是也名香積院治平二年改今額寶慶

間建旌德觀移建今所

月塘寺在艮山門外何衡店宋淳熙間建在月塘  
之北嘉熙三年潮壞徙今所元至正初潮水復  
壞徙高原尋燬洪武間重建月塘者沙田也土  
脉宜瓜宋有周姓者善種瓜號周家算筒瓜

西湖遊覽志第十九卷終

西湖遊覽志第二十卷

錢唐田汝成輯撰

北山分脉城內勝蹟

城闈

武林門錢塘門

武林門宋名餘杭門俗稱北關門入門而南有虎  
林山土阜陂陀高可三丈廣不滿百步宋楊至  
質記云耆舊言錢氏有國時此山復在郭外叢  
薄蒙密異虎出焉故名虎林吳音承訛轉虎爲  
武耳葉紹翁四朝聞見錄乃謂虎林卽靈隱山